



მენორა

გამოდის
1993 წლის
მარტიდან

დამოუკიდებელი ებრაული გაზეთი საქართველოში

„MENORA“ INDEPENDENT JEWISH NEWSPAPER IN GEORGIA

ავისტო-საქტაბეარი

„מנורה“

מנורה

ელული

עיתון יהודי

№8-9 (444-445)

(5778)

2018

בגוריה

„МЕНОРА“ НЕЗАВИСИМАЯ ЕВРЕЙСКАЯ ГАЗЕТА В ГРУЗИИ

10-11 სექტემბერი — როშ ჰა შანა



მრავალს დაესწარით!

საქართველოს ებრაელთა თემის ძვირფასო წევრებო,

მინდა გულთადად მოგილოცოთ დამდეგი როშ ჰა შანა. ამ დღეებში ჩვენს ოჯახებში შემოაბიჯებს ებრაული წელთაღრიცხვის ახალი — 7579-ე წელი. ფეხბედნიერი ყოფილიყოს იგი ყოველი ებრაელისათვის ქვეყნიერების რომელ კუთხეშიც არ უნდა იმყოფებოდეს, მშვიდობა მოეტანოს ისრაელი მიწაზე, რომ ჩვენი ძმები, მამები, შვილები არ ეწირებოდნენ ტერორიზმის ბოროტებას.

ეს ახალი წელი ბედნიერი ყოფილიყოს მთელი საქართველოსთვის, იქ მცხოვრები ებრაელებისათვის, ქართულ მიწაზე დასადგურებულ-ლიყოს მშვიდობა, ზვავი, ბარაქა.

ევრ-აზიის ებრაელთა კონგრესი ახალ წელსაც ისევე იზრუნებს ებრაული თემების სიმტკიცისა და მშვიდობისათვის, ისევე შეებრძლება ანტისემიტიზმს, როგორც აქამდე უბრძოლია.

შანა ტოვა ვე მეთუკა, ძვირფასო მეგობრებო!

მისაილ მირილაშვილი

ევრ-აზიის ებრაელთა კონგრესის პრეზიდენტი

იკითხეთ გაზეთ „მენორას“ ელექტრონული ვერსია ვებ მისააპარტზე WWW.MENORA.GE

ჰეი, ვინ მოდის მანდ მომავლიდან!..

სიტყვა საქმის ექო

ერის ძარღვი, მისი შვილების მახვილგონიერებაა. ჩვენი თემის ახალგაზრდა, წარმატებულ შვილებთან ურთიერთობა, სიხარულისა და აღტაცების მომგვრელი გრძნობაა. თითქოს აღარ უნდა მაკვირვებდეს მათი მიღწევები, მაგრამ ამჟამად, ჩემმა მოსაუბრემ, მაგდა კორახაშვილიმა, ჭეშმარიტად მომხიბლა. შესამური გარეგნობის გარდა, მდიდარი შინაგანი სამყაროა მისი მთავარი დამახასიათებელი.

მაგდა თბილისში დაიბადა. მისი მშობლები თანამედროვე, განათლებული ადამიანები გახლავან. დედამ, ციური ახალკაციშვილი, თბილისის უნივერსიტეტში ქიმიის ფაკულტეტი დაამთავრა. ამჟამად ებრაულ სააგენტოში „სონხუთი“ ადმინისტრაციულ დირექტორად მუშაობს. მამა, თამაზ კორახაშვილიც ამავე უნივერსიტეტის კურსდამთავრებული ქიმიკოსია. იგი მუშაობს აეროპორტის უსაფრთხოების უფროსად. მაგდას ძმა, შოთა, ბრენდმენჯერია კომპანიაში „Mazerat“. იგი პროფესიონალი სპორტსმენია წყალში ხტომაში და ევროპის ჩემპიონატში პირველ ხუთეულშიც მოხვდა.

დედის სიტყვები მუდამ ჩამესმის. იგი ასე პროცენტით სჭერტს რა მომიტანს წარმატებას და იმავდროულად სრულ თავისუფლებას მანიჭებს. მამა ჩემი საყრდენია. მან შთამაგონა, რომ ყველაფერს მივალწევ, თითქოს შთამბერა თავდაჯერება. იგი ჩემთვის დიდი ავტორიტეტია — ამბობს მაგდა.

მაგდა საჯარო სკოლის მე-9 კლასიდან გვი ზალდასტანიშვილის სახ. ამერიკულ აკადემიაში ჩაირიცხა სპეც-შერჩევით, სადაც სწავლა ინგლისურ ენაზეა. ეს აკადემია განთქმულია თავისი დემოკრატიულობით და პედაგოგების ინდივიდუალური მიდგომით, რაც იმაში გამოიხატება, რომ დაშტამპული პროგრამით არ ასწავლიან — მოსწავლეებს ყველა საგანში ეძლევათ თემა, რომლის დამუშავების შემდეგ, იმართება მსჯელობა. ეს კი, თავის მხრივ თავისუფალი აზროვნების საწინდარია. თავად მაგდამ, მე-10 კლასში ჩამოაყალიბა იურიდიული წრე და შემოიკრიბა თანატოლები. საქმე იქამდე მივიდა, რომ პროფესიონალი იურისტიც კი მოიწვიეს, რომელიც კვირაში ორჯერ კონსულტაციებს უტარებდა მათ. არჩევდნენ როგორც კრიმინალურ, ასევე სოციალურ დანაშაულებებს და ვერდიქტიც კი გამოქონდათ. ეს შეიძლება მიახლოებული ყოფილიყო არსებულ იურიდიულ კოდექსებთან ან პირიქით, დაშორებული. სწორედ მაშინ, გამოცდილი იურისტი აანალიზებდა საქმის ვითარებას. სკოლის დირექციის მხრიდან, მხოლოდ თანადგომასა და დახმარებას გრძნობდნენ. ესეც დასაბამი იყო კრიტიკულ მომენტში დამოუკიდებელი გადანყვებილების მიღებისა ცხოვრების ყველა ეტაპზე.

მაგდამ სკოლა ბრწყინვალედ დამთავრა და გაგზავნა თავისი საბუთები ამერიკასა და შვეიცარიაში. მიუხედავად იმისა, რომ რამდენიმე უნივერსიტეტიდან მოუვიდა ჩარიცხვის თანხმობა, არც ერთი არ იყო სრული დაფინანსებით. ნაწილობრივი კი, მოგეხსენებათ არ არის იოლი ოჯახისთვის. იმედგაცრუებული, მაგრამ არა დათრგუნული, მაგდა რჩება თბილისში და პოლიტექნიკურ ინსტიტუტში იწყებს სწავლას იურიდიულ-



Alumni Success Story:
Magda Korakhashvili

ზე. „სონხუთის“ წარმომადგენლობის უფროსის, ავი ოფირის ხელშეწყობით, მაგდამ საქართველოს ებრაელ სტუდენტთა გაერთიანება დააარსა.

— როგორ მოგივიდა ეს აზრი? — ვეკითხები.

— „მოვიძიე ცნობები იმის თაობაზე, რომ მსოფლიოს ყველა ქვეყანაშია ამგვარი გაერთიანებები და მათ პროექტებში უამრავი საინტერესო პროგრამა ხორციელდება: სტუდენტური შეხვედრები, გაცვლითი სემინარები. ჩვენც შევუერთდით ებრაელ სტუდენტთა საერთაშორისო გაერთიანებას. გერმანიასა და შვეიცარიის შეხვედრებში ჩვენი სტუდენტებიც მონაწილეობდნენ.

მაგდას იმდენად სწყუროდა საზღვარგარეთ სწავლა, რომ დედამ ურჩია, კიდევ ერთხელ ეცადა. ერთი წლის შემდეგ მან გაგზავნა თავისი მონაცემები ავსტრიაში და მიიღო დადებითი

პასუხი ვენის, ლაუდერის სახ. უნივერსიტეტიდან, რომ ჩარიცხულია ფინანსების ფაკულტეტზე. რა ძალებით ახერხებდა, ვერ ამიხსნია, მაგრამ ფაქტია, რომ პოლიტექნიკური არ მიუტოვებია. წელიწადში ორჯერ, გამოცდების პერიოდში თბილისში ჩამოდიოდა. ვენაში სავალდებულო იყო ორი უცხო ენის შესწავლა. მან უპირატესობა გერმანულსა და ივრითს მიანიჭა. ამრიგად, სამ წელიწადში ორივე უმაღლესი სასწავლებლიდან ჰქონდა ბაკალავრის წოდება უმაღლესი ქულებით, რაც წითელი დიპლომის ტოლფასია. ბედზე საგამოცდო ვადები არ ემთხვეოდნენ. ვენაში კი ყოფილა მეორედ გადაბარების კანონი, მაგრამ მაგდას არც ერთხელ არ უსარგებლია. როგორც ახალბედა ფინანსისტი, მაგდა კორახაშვილი სტაჟირებას გადიოდა ავსტრიის ნავთობისა და გაზის კომპანიაში. შემდეგ საქართველოში დაბრუნდა.

თბილისში მან გაიარა გასაუბრება „GIZ“ — ის სახელწოდებით ცნობილი კომპანიის პრეზიდენტთან ბატ. კახა კობხეიძესთან. ეს გახლავთ მცირე და საშუალო ბიზნესის სანარმოთა ასოციაცია. იგი თანამშრომლობს გერმანიის იმ სახელმწიფო კორპორაციასთან, რომელიც აფინანსებს დამწყებ მენარმეებს.

— პირადად შენ რა გვეალებოდა? —

— ჩემ ფუნქციაში შედიოდა ახალი საქმის ინიციატორთა დაკვალიანება, ვაძლევდი სწორ მიმართულებას, თუ როგორ უნდა გაეტანათ და დაეცვათ ბიზნეს-პროექტის ინტერესები. კახა კობხეიძემ კიდევ ერთი პლატფორმა შექმნა, სადაც ბავშვები და მოზარდები ეუფლებიან ტესტებზე მუშაობას, რაც მოითხოვს მათემატიკურ აზროვნებასა და ანალიზის უნარს. ბატონმა კახამ, შენიშნა რა მაგდაში ლიდერული თვისებები, იგი დირექტორად დანიშნა.

— ეს ჩემთვის დიდი პატივიც იყო და ძალისხმევასაც მოითხოვდა, რამეთუ იგი ინოვაციურია განათლების სფერ-

ოში და მოზარდები მსოფლიო სტანდარტებით ემზადებიან უმაღლესი განათლებისთვის. მიუხედავად იმისა, რომ სამსახურიც საინტერესო მქონდა და ანაზღაურებაც ბევრისთვის საოცნებო, გულმა მაინც ისრაელისკენ გამომინია — ამბობს მაგდა.

— მშობლები ადვილად დაგთანმდნენ?

— წარმოიდგინეთ, კი. მეტსაც გეტყვით, 8-10 წლისა ვიქნებოდი, როცა დედამ გერმანულსა და ივრითში კერძო მასწავლებლებს მიმბარა. ესეც მისი შორსმჭვრეტელობა იყო.

— ივრითის ის დონე საკმარისი აღმოჩნდა?

— რა თქმა უნდა, არა. სრულფასოვანი ინგლისურისა და უმაღლეს მათემატიკაში ასე ქულის წყალობით ჩავირიცხე ბარ-ილანის უნივერსიტეტში მაგისტრატურაში. რაც შეეხება ივრითს, ისეთი შეგვრძენა მაქვს, თითქოს ჩემ ქვეყანაში დავბრუნდი და დავიწყებულ ენას ვსწავლობ — აშკარად უხარია მაგდას.

— ისრაელელი სტუდენტები განსხვავდებიან საქართველოსა და ავსტრიისაგან?

— მათთან დაახლოებამ უფრო შემაყვარა აქაურობა. ერთი ჯგუფი, რომელშიც მეც ვიყავი, გაემგზავრა პეკინის უნივერსიტეტში მოკლევადიანი კურსით. ჩვენ დავინახეთ, რომ ჩინეთში ბიზნეს პარტნიორობის საქმიანობა ურთიერთობებზეა დამყარებული მაშინ, როცა ისრაელში პირველ პლანზე ბიზნესი და მხოლოდ ბიზნესია — მიაბობს მაგდა.

მაგისტრატურის დამთავრების შემდეგ, მეგობარმა ურჩია მაგდას ეთი ქოენისთვის მიემართა, რომელიც კომპანიაში „ვაჰიმ“ მუშაობს.

— მისი რეკომენდაციით გავგზავნე ჩემი ავტობიოგრაფია კომპანიაში „დელოიტ“, რომელიც მსოფლიოში ძლიერ აუდიტორიულ 4 ფირმაში შედის. ხუთ ეტაპად მიმდინარეობდა ტესტები, გამოცდები, გასაუბრებები და ბოლოს, ფირმის პრეზიდენტთან, ბატ. შიმონ ჟულონთან ინტერვიუ გახდა გადამწყვეტი.

— ახლა შენი საქმიანობის შესახებ რას მტყვი?

— ჩვენ ვთანამშრომლობთ საერთაშორისო კომპანიებთან. ჩვენი მოვალეობაა რისკების გაანალიზება დაფინანსების საკითხებში ბიზნესის უკეთ წარმართვის მიზნით. საზღვარგარეთ ხშირად მიწვევს ყოფნა. ვიყავი სერბიაში, რუმინეთში, გერმანიაში, რუსეთსა და სხვ. კოლექტივი, სადაც მე ვმუშაობ, არაჩვეულებრივად მიწყობს ხელს და ჩემი ივრითიც დაიხვეწა.

— მხოლოდ საზღვარგარეთის ფირმებთან თანამშრომლობ?

— არა, ისრაელის ისეთი კომპანიები, როგორცაა „მტრაუსი“, „შლომო სიქსთი“, ინდოეთის სახელმწიფო ბანკის ფილიალი ისრაელში, ჩვენი აუდიტორული მომსახურებით სარგებლობენ.

— რწმენასთან რა დამოკიდებულება გაქვს?

— ღმერთის არსებობას მხოლოდ უმეტარი უარყოფს. მიყვარს ებრაული ტრადიციების დაცვა. ჩემი ბაბუის, ან-განსვენებული ისაქ ახალკაციშვილის ოჯახში ჩვენი საფესახო ფუსფუსი და მზადება, დაუვინყარია ჩემთვის.

— დასვენებისთვის დრო სულ არ გრჩება?

— სრული ახალგაზრდული რიტმით ვცხოვრობ. მიყვარს ზღვა, თხილამურები და მეგობრული შეხვედრები. მშობლებსა და ძმასთან სიმორეს ამით ვავსებ. ისინი ჯერჯერობით თბილისში არიან.

გაიცანით, იდეების შადრევანი, კრეატიული, მრავალპროფილიანი მაგისტრი ფინანსისტი, აუდიტორი, 26 წლის მაგდა კორახაშვილი, რომელიც ბევრ ვაჟკაცს არტყმევინებს გულში მჯიღს.

აფერუმ შენდა!

ლია კრიხელი



„ ის კაცი იყო, პით უაჭვარის კაცსა კაცობა“

ამ სიტყვებს შექსპირის ჰამლეტი ამბობს მამაზე. დღეს, როცა გარდაიცვალა ბესო მიხელაშვილი — განსაკუთრებული და გვერდაუფლელი პიროვნება, ბესოს შვილს — რომანს ძალუძს გაიმეოროს ჰამლეტის სიტყვები!

ბესო მიხელაშვილი ჩემი ახლობელი გახლდათ, კარგა ხნის ურთიერთობა გვაკავშირებდა, მაგრამ ჩემი ძმისშვილი — ბელა მისი ვაჟის — რომანის მეუღლე რომ გახდა, ჩვენი ახლობლობა და ურთიერთობა, კიდევ უფრო განმტკიცდა, თორემ არც მანამდე ვიყავით შორეული, ვმეზობლობდით. სენაკში (მამინ მისა-ცხაკას რომ ეძახდნენ, ამ ბოლშევიკს ეს პატივი, მრავალი სხვა, იმიტომ ხვდა, რომ 1917 წ. შენევიდან რევოლუციურ პეტროგრადში ვლენინთან ერთად ჩამოვიდა — ერთი ვაგონით იმგზავრეს) ერთ ქუჩაზე ვცხოვრობდით, ჩვენი სახლები ერთმანეთის მოპირდაპირე მხარეს იდგა და დღია — საღამო-შუადღეს ერთმანეთს ღიმილითა და პატივისცემით შევცქეროდით.

დღესაც თვალწინ მიდგას უკვე ასაკოვანი — ოთხმოცს გადაცილებული, მაგრამ მაინც მხნე, შაბათა ბიძიას — ბ-ნი შაბათა მიხელაშვილის — ნათელი სახე. თითქოს გუშინ საღამოს დანახული სურათია: შაბათა ბიძია მზის ჩასვლის ხანს როგორ ბრუნდება ბაზრიდან — მალაზია იქ ჰქონდა, მეუღლის დანახვაზე, ჭიმკართან დედაჩემთან მომუსაიფე როზია ბიცოლა, როგორ შეწყვეტს საუბარს და აჩქარებული ნაბიჯით გაეშურება სამზადისაკენ, რომ დამაშვრალ მეუღლეს ისე მიეგებოს, როგორც ათწლეულობის განმავლობაში ეგებებოდა.

დარწმუნებული ვარ, ეს ასე არ იყო, მაგრამ სულ მდევედა ფიქრი რომ დიდებულმა კონსტანტინე გამსახურდიამ სწორედ შაბათა მიხელაშვილზე დანერა:

„ ექვ, ვინ გაიგებს, იმ შავ ჭმუნვას, რომელიც მზის ჩასვლისას ღილით მიმავალი ებრაელის სულში სდიოდა. რამდენ პატიოსან, მხნე ახალგაზრდა ებრაელის სულს აცისკროვნებს ის აზრი, რომ ოდესმე ებრაელი ერი ნარეკლით დაწყულულულ ფეხს ერთხელ კიდევ დაიბანს იორდანეს წმინდა წყალში“

ბ-ნმა შაბათა მიხელაშვილმა ფეხი ვერ ჩაიბანა იორდანეს წმინდა წყალში: ერთ დილას ჩვენი ქუჩა ხალხით გაივსო. უამრავი ხალხი მოვიდა, ამერ-იმერიდან იყვნენ — შაბათა მიხელაშვილი აბრძანდა-გარდაიცვალა.

ამ დიდხნოვანი ახლობლობის გამო, სულაც არ გამოვრიცხავ, რომ ბესო მიხელაშვილზე წერისას სუბიექტური ვიყო, თუმცა, მე მისი ცხოვრების ზოგიერთ მომენტს გავიხსენებ, მკითხველმა კი თავად განსაჯოს, სად არის სუბიექტივიზმი და სად, ერთობ თავშეკავებული აღფრთოვანება ამ პიროვნების მიერ განვლული ცხოვრებით.

ბესო მიხელაშვილი თავისი დროის საქართველოს ებრაელობაში ერთობ გამოჩენილი პიროვნება გახლდათ. მისი ეპოქის თბილისის ებრაელთა ყოფა იმითაც იყო მნიშვნელოვანი და საინტერესო, რომ ღირსეულ პიროვნებათა თანაგარსკლავედში ცხოვრობდა. დაახ, მის გვერდით უამრავი ღირსეული ებრაელი კაცი მოქმედებდა — ბევრი გამორჩეული ისრაელისშვილი ამშვენებდა საქართველოს. იმათზეც უნდა იწერებოდეს, იმათი ამბავიც უნდა გვიამბონ, ვისაც ეს ხელენიფება, ვინც კარგად იცნობდა ამათუიმ პიროვნებას, სიახლოვე ჰქონდა მათთან. ნუ იფიქრებ, რომ წერა მათი საქმე არ არის. ამ მხრივ ბესო მიხელაშვილმა ჩინებული მატალითად მოგვცა: ჟურნალიზმთან არა-რა საერთო არ ჰქონია — მთელი ცხოვრება ისე გალია, ალბათ, მოკითხვის ბარათის მეტი არაფერი



დაუნერია, მაგრამ სიჭარმაგის ჟამს ხელში კალამი აიღო და დაგვიტოვა მშვენიერი პორტრეტები მისი და მანამდელი თაობის ქართველი ებრაელებისა, დახატა თავისი ეპოქა. ჯერ დამირეკავდა, მეტყოდა ამაზე და ამაზე დავხერე და „მენორაში“ დასაბეჭდად გიგზავნიო. ხელნაწერს აგზავნიდა — ძალიან წერილი, ძნელად გასარჩევი ასობით წერდა, მე კი ინტერესითა და გაცოცხლებული ვკითხულობდი მის ნაწერს თავის დროსა და პერსონაჟებზე.

ნიჭით სავსე იყო. რაც ჰქონდა, ცხოვრებაში რაც დააგროვა, მხოლოდ თავისი ნიჭის წყალობით და ისევე უხვად სჩვეოდა გაცემა, როგორც მოვნა — საჩუქრების გაცემა უყვარდა ძლიერ — თავისთვის რომ რაიმეს იყიდა, რომელიღაც ახლობელი გაახსენდებოდა და მეორე, მესამესაც ყიდულობდა.

თანაგარსკლავედში ცხოვრობდამეთქი ვთქვი ზემოთ. ასე იყო: თბილისის ბეით ქნესეთი ამ ბრწყინვალე სახეებით უფრო იყო გაჩახჩახებული, გაბრწყინებული, ვიდრე ელექტრონის შუქით. ლეთისმომიში, გამტანის, უპოვართა შემწე ადამიანების ნათელი სახეებით. 30-35 წლის შემდეგ გახდა ცნობილი, რომ ეს ლეთისმომი ში ადამიანები ერთობ გულადნი იყვნენ, უმამაცესნიც კი — ლეთისმორჩილობა და მინდობა აძლევდათ ძალას: თურმე საბჭოური ბოლშევიზმის წლებში თბილისის ებრაელთა თემი მთელი საბჭოეთის ბეით ქნესეთების ნახევარს აფინანსებდა, რომ შუა აზიისა, თუ უკრაინის, კავკასიისა, თუ ბალტიისპირეთის ბეით ქნესეთებში ლოცვა არ შეწყვეტილიყო, სსრკ-ში ერთადერთი — მოსკოვის რელიგიური სასწავლებლის — იემიბის დამფინანსებლებიც ისევ ჩვენი ჯამათის ეს უმამაცესი წევრები ყოფილან. თბილისის ებრაული თემი-მეთქი. უცხოეთში ერთმა ძვირფასმა პიროვნებამ — ქართველმა ებრაელმა მიაგნო ეს მამაცობა როგორ იყო გასაიდუმლოებული და ამ თემზე დაწერილებითი საუბარი არც დღეს მიაჩნიათ მიზანშეწონილად. ამაზე მეც სიტყვას აღარ გავაგრძელებ. ბესო იმ მცირერიცხოვან, ძალიან მცირერიცხოვან ებრაელთა შორის მეგულედა.

იყვნენ და არიან თავიანთი ებრაელობით მოვაჭრე ებრაელები — თავიდან ბოლომდე არასოდეს ერთი ლოცვაც რომ არ ულოცნიათ, ისიც

კი არ იციან, თეფილინი რომელ ხელზე იდება, მაგრამ ებრაელობის სახელით მიცურავენ და მიცურავენ ცხოვრების ზღვაში, ისეთებიც არიან, ლოცვაც კარგად ძალუძთ და მოხერობასაც რომ ენევიან. ცხოვრებას ათასი შენაკადი აქვს — ყოველნაირი ზნეობის ადამიანს წარმოძობს, მაგრამ არიან ბესო მიხელაშვილისა და მისი თაობის ბევრი ღირსეული წარმომადგენლისნაირი ებრაელებიც. მეოცე საუკუნის მეორე ნახევრის ქართველ ებრაელობაში ასეთი ბევრი იყო, — ებრაული კლასიკური მემკვიდრეობის სიბრძნე მზერაში რომ დაუხვებოდათ. ჯამათის გამტანნი და ადამიანთა მშველენი, მათს სიტყვა-პასუხს რომ ვისმენდი, გარემო სამყაროსთან, იქნებოდნენ იუდეველნი, ქრისტიანნი, თუ სხვანი, მათს ურთიერთობას რომ შევყურებდი, ჯამათის მეტი სიყვარულის სურვილი მიჩნდებოდა — არა შიშისგან მოგვრილი სიფრთხილის, ნინდახედულობის, სიყვარულისა. ბესო მიხელაშვილი კი ერთი ამათგანი იყო — საქართველოს ებრაელობის დამამშვენებელი, ადამიანზე მუდამ კარგის მოუბარი, სიკეთის გამავრცელებელი, თუმცა, ნეგატიურის უმალ, დაუხანებლად შემფასებელი და სათანადოს შემძახებელიც: პირიდან მუდამ თაფლი კი არ სდიოდა, თუ სააუგოს ხედავდა, არა-რა კომპლექსი არ აწუხებდა, გააზრებულ სათქმელს იტყოდა. ისეთი კაცი იყო, ერს რომ ღირსებასა და სახელს მატებდა. მჯერა ჩვენი ებრაელობის ახალ თაობაში ასეთი კვლავაც იქნებოდა — ძალიან კარგი, ნინდახედული და აზრიანი თაობა მოდის.

ხშირად მაგონდება ერთი ასეთი შემთხვევა: ჩემი შვილის — ლანასა და გურამ ხარაზიშვილის ნიშნობაში ჩვენი თემის შვილებთან — ნათესაობასთან, მეგობარ-ამხანაგებთან ერთად, ქართული კულტურის — მწერლობისა და თეატრის დიდებული მოღვაწენიც იყვნენ. თამადავმა ბესო მიხელაშვილს ვთხოვე. ძალიან კარგი ლხინი გაიმართა — ქართველმაც და ებრაელმაც გულითადად მოილხინა. ნიშნობის მეორე დღეს მირეკავს საქართველოს თეატრისა და კინოს უნივერსიტეტის რექტორი, პროფესორი ეთერ გუგუშვილი და მეკითხება:

— რატომ არ ვიცნობ მე ჩვენს ნუხანდელ თამადას, ჩანს, ჩინებული მოღვაწეა, თბილისში არ ცხოვრობს? როცა ყველაფერი ავუსხენი, დასძინა:

— В самом деле великалепный! ასეთი იყო ბესო. ამიტომ ვამბობ ებრაელობის ღირსების შემმატებელი კაცი გახლდათ-მეთქი. ჩვენი ერის სიბრძნესა და სიდიადეს თავისი ცხოვრების წესით, სიტყვა-პასუხით, ადამიანებისადმი დამოკიდებულებით წარმოაჩენდა. ერთხელ, საქართველოს ყოფილმა შინაგან საქმეთა მინისტრმა შოთა გორგოძემ პირად საუბარში მითხრა: ბესო ძალიან მენატრებაო. ეს კი ადამიანის ცხოვრების წესის შეფასებაა. საქართველოში ებრაელობას სათანადო პატივს რომ მიაგებდნენ, თუ საქართველოში ებრაელობას მეგობრად, გამტანად, ჭირსა, თუ ლხინში გვერდში ამომდგომ ერის შვილებად მიიჩნევდნენ, ბესო მიხელაშვილისა და მისნაირ ისრაელისშვილთა გამოსობითაც იყო. როგორც ჩანს, ამგვარი ისრაელიშვილი ამ 26 საუკუნის განმავლობაში საქართველოში ბევრი გვყავდა, ძალიან ბევრიც — ასე რომ არ ყოფილიყო, ქართველი ებრაელობა ესოდენ დაფასებულნი ვერ გახდებოდნენ. ასეთი ისრაელისშვილები ჩემი დროის საქართველოს ბევრ ქალაქშიც მეგულეობდა — თითქმის ყოველ კუთხეში.

ცნობილია, რომ წინა საუკუნეებში ქართველი ებრაელები საზოგადო ასპარეზზე კანტი-კუნტად სჩანდნენ. პირველი მერცხლები მაინც დავით და გერცელ ბააზოვები და მათს ირგვლივ შემოკრებილი რამდენიმე ადამიანი გახლდათ. მეოცე საუკუნის მეორე ნახევარში სურათი თითქმის იცვლება — ებრაელობა მცენიერების, კულტურის, ეკონომიკის, მედიცინის სარბიელზე ხშირად ჩნდება. ბესო მიხელაშვილს ჰქონდა ერთი საუკეთესო თვისება, როცა ებრაელი ახალგაზრდის წარმატებას გაიგებდა, სულში — ფურიმის დღესასწაული ედგა. ასგზის მინახავს, ამათუ იმ ებრაელზე ალტაცებით მოსაუბრე. მისი მეგობრის — რაფო ჩაჩანაშვილის ვაჟმა — თემურში მედიცინაში სადოქტორო დისერტაცია რომ დაიცვა, ძალიან ხარობდა და თუ სწორად მახსოვს, ნეუტლებაც გამართა, ასე იყო მერაბ იბრაელაშვილის სადოქტორო დისერტაციის შემდეგ. არ გამოუტოვებია თბილისის თეატრებში ჩემი პიესის არცერთი პრემიერა. მახსოვს, 1990 წ. შოთა რუსთაველის სახ. აკადემიურ თეატრში ჩემი პიესის „მეთქმულეობა“ პრემიერაზე ქ-ნ ნორასთან ერთად როგორ მოვიდა თეატრში — სულ რაღაც ორი-სამი საათის ჩამოფრენილი გახლდნენ ამერიკიდან. ძალიან მომეპანცველი მოგზაურობა არაფრად ჩაავადო. გაკვირვება რომ შემემატყო, თავად გაიკვირვა: „აბა, სად უნდა ვიყოთ, გურამ, ამხელა ამბავია!“

რატომ იქცეოდა ასე? სხვათა გამარჯვება, სიხარული, თავისად მიანჩნდა და ამითაც გახლდათ დიდი.

როცა ღირსეული კაცი ნუთისოფელს გაეცლება, ტოვებს სახელს, შთამომავლობას. მერე ეს შთამომავლობაც ეცლება ქვეყნიერებას. ასეთია ლეთისეული კანონი. ბესომ სახელიც დაგვიტოვა და ღირსეული შთამომავლობაც.

და კიდევ დაგვიტოვა ერთი ისეთი რამ, რაც მის სახელს ძალიან დიდხანს შეინახავს: გაზეთ „მენორაში“ დაბეჭდილი წერილები ადრინდელი, თუ მისი დროის საქართველოზე, ქართველ ებრაელობაზე, ჩვენი ხალხის ცხოვრებაზე. ეს ყველაფერი კიდევ უფრო მნიშვნელოვანს ხდის ცისქვემეთში მის არსებობას — ე.ი. მან თავისი ფუნქცია ჩინებულად შეასრულა. ახლა ჩვენ უნდა შევცადოთ და ალბათ, შევცდებით კიდევ, ამ ნაწერებს თავი მოვუყაროთ, ცალკე წიგნად გამოვცეთ, რათა მომავალმა თაობებმა იცოდნენ თუ რა ღირებულებებს ემსახურებოდა ადამიანი, რომელსაც ბესო ერქვა და გვარად მიხელაშვილი გახლდათ.

გურამ ხათიაშვილი

საქართველოს ებრაელობას ღმერთმა უმრავლეს თქვენნაირი მეგობრები

გურამ ლორთქიფანიძე — 80

გურამ ლორთქიფანიძე ოთხმოცი წლის შესრულდა... როცა მე გავიცანი ოცი წლისაც არ იყო; გავიცანი მოსკოვში, მ. ლომონოსოვის სახელობის სახელმწიფო უნივერსიტეტში, სადაც იგი ისტორიის ფაკულტეტზე სწავლობდა. სტუდენტთა სამეცნიერო კონფერენციაში მივიღეთ მონაწილეობა, მოხსენებები წავიკითხეთ; ორივემ არქეოლოგიაში ჩვენმა მოხსენებებმა მეცნიერთა ყურადღება მიიქცია და უნივერსიტეტის შრომებში დაიბეჭდა კიდევ. აქედან მოკიდებული (გურამი შესანიშნავი მასპინძელიც იყო) საფუძველი ჩაეყარა ჩვენს ურთიერთობას, რომელიც, ყოველგვარი გადაჭარბების გარეშე, მეგობრული იყო. ასეა დღემდე.

გურამ ლორთქიფანიძე დღესდღეობით გამორჩეული ქართველი მეცნიერია. იგი წარმატებული არქეოლოგია. გამოვეყოფდი მის მნიშვნელოვან არქეოლოგიურ საქმიანობას ბიჭვინთაში, სადაც წლების მანძილზე თავის მეუღლესთან, ასევე შესანიშნავ არქეოლოგთან პროფესორ ნინო კილურაძესთან ერთად აწარმოებდა არქეოლოგიურ გათხრებს. გურამ ლორთქიფანიძის როგორც მნიშვნელოვანი მეცნიერის, ისტორიის მეცნიერებათა დოქტორის, პროფესორის, უნივერსიტეტის კათედრის გამგის, საქართველოს მეცნიერებათა ეროვნული აკადემიის წევრის ღვაწლი იმითაც განისაზღვრება, რომ იგი მხოლოდ მთხრელი არქეოლოგი კი არ არის, არამედ ავტორია არქეოლოგიური მასალის საფუძველზე შექმნილი განსაკუთრებული ხასიათის მონოგრაფიებისა. განსაკუთრებულად ფასეულია გურამ ლორთქიფანიძის გამოკვლევები კოლხეთის ისტორიის პრობლემებზე. მას დიდი ამაგი მიუძღვის ანტიკური პერიოდის ნუმისმატიკური მასალის შესწავლასა და გამომზეურებაში.

განსაკუთრებულია გურამ ლორთქიფანიძის, როგორც მნიშვნელოვანი საზოგადო მოღვაწის სახე. მან სერიოზული საზოგადოებრივი საქმიანობა გასწია სხვადასხვა დროს და კოლეგების, პროფესორ-მასწავლებლებისა და სტუდენტების დიდი მადლიერება დაიმსახურა. ბატონი გურამის თაოსნობით ბევრი მნიშვნელოვანი საკითხი გადაწყდა უნივერსიტეტში. მხოლოდ იმ ფაქტის დასახელება, რომ მისი უშუალო თაოსნობით შეიქმნა ზოგადად კულტუროლოგიური მიმართულება და დაარსდა კულტუროლოგიის კათედრა, ვფიქრობთ ძალზედ მნიშვნელოვანია. გურამ ლორთქიფანიძის თაოსნობითა და უშუალო მონაწილეობით უნივერსიტეტში შეიქმნა იუდაიკის კაბინეტი, რომელმაც ფაქტობრივად ახალი სული შეაბერა ისტორიისა და საქართველოს ხალხების და კონკრეტულად მეცნიერთა ურთიერთობას.

გურამ ლორთქიფანიძე ძალზე სისხლსავსე მეცნიერულ საქმიანობას ეწევა, მეტად პროდუქტიულია. მან მონაწილეობა მიიღო არაერთ სამეცნიერო კონფერენციაში, სადაც თავისი არაერთი მეცნიერული ნაკვეთს წარადგინა. იგი საქართველოს მეცნიერებათა ეროვნული აკადემიის აქტიური წევრია - მონაწილეობს ყველა მნიშვნელოვან ღონისძიებაში.

ოთხმოცი წლის გურამ ლორთქიფანიძე მედგრად დგას მეცნიერების სამსახურში, შეუჩერებლად აგრძელებს კვლევით საქმიანობას და საზოგადოებრივ მოღვაწეობას.

ჩემი სურვილია, რომ ბატონი გურამ ლორთქიფანიძის თანაზიარი და თანამგზავრი იყოს ძლიერი ჯანმრთელობა და წარმატებული შემოქმედებითი საქმიანობა.

მრავალჯამიერ ძვირფასო გურამ!
აკადემიკოსი რაინ მატრეველი

ცნობილ ქართველ მეცნიერს, საქართველოს მეცნიერებათა ეროვნული აკადემიის წევრ-კორესპონდენტ გურამ ლორთქიფანიძეს 80 წელი შეუსრულდა.

ბატონი გურამის სამეცნიერო მოღვაწეობის შედეგებს მისი კოლეგები - ისტორიკოსები და არქეოლოგები უკეთ შეაფასებენ. ჩემი, კი როგორც მისი უმცროსი მეგობრის უმთავრესი ამოცანაა ამ პიროვნების ადამიანური თვისებების წარმოჩენა.

ჩვენ შორის ურთიერთობა იწყება 2009 წლი-

დან, როცა ბატონი გურამი მონაწილეობდა საქართველოს მეცნიერებათა ეროვნული აკადემიის წევრ-კორესპონდენტის არჩევნებში და აკადემიის საზოგადოებრივ მეცნიერებათა განყოფილების წინაშე წარსდგა სამეცნიერო მოხსენებით. მას ბევრი კონკურენტი ჰყავდა, მაგრამ მათაგან განსხვავებით ბატონი გურამის მოხსენება გამოირჩეოდა ღრმა მეცნიერული საფუძველით და, რაც არანაკლებ მნიშვნელოვანია, თავად მომხსენებელმა თავი დაგვამახსოვრა როგორც ძალზედ თავმდაბალმა ადამიანმა. ამ მოხსენების მოსმენის შემდეგ მივიღე გადაწყვეტილება, რომ ხმა მისთვის მიმეცა და სასიხარულოა, რომ ეს გადაწყვეტილება ჩემმა კოლეგებმაც გაიზიარეს და პროფესორი გურამ ლორთქიფანიძე ღირსეულად იქნა არჩეული საქართველოს მეცნიერებათა ეროვნული აკადემიის წევრ-კორესპონდენტად. ამის შემდეგ ჩვენმა ურთიერთობამ აკადემიის საზოგადოებრივ მეცნიერებათა ფორმატის ფარგლებში სისტემატიური ხასიათი მიიღო.

2010 წლეს სხვა ქართველ კოლეგებთან ერთად ვიყავით მეზობელ აზერბაიჯანში, ბაქოში, სადაც მონაწილეობა მივიღეთ ბაქოს ჰუმანიტარულ ფორუმში, რომელიც გამოირჩეოდა მაღალი დონის წარმომადგენლობით (საპატიო სტუმრებად მოწვეულ იყვნენ არაერთი ქვეყნის ყოფილი პრეზიდენტები და პრემიერ-მინისტრები, და, რაც მთავარია, ნობელის პრემიის 11 ლაურეატი მეცნიერების სხვადასხვა დარგში). მე გამიმართლა, რომ გავხდი ბატონი გურამ ლორთქიფანიძის მიერ ამ ფორუმზე გაკათებული მოხსენების მაღალი შეფასების მონაწილე.

2013 წელს, როცა მივიღე გადაწყვეტილება, რომ მონაწილეობა მიმეღო ივანე ჯავახიშვილის სახელობის თბილისის სახელმწიფო უნივერსიტეტის რექტორის არჩევნებში, ბატონი გურამ ლორთქიფანიძემ გვერდში დამიდგა, როგორც ჩემი გუკლშემატიკივარი და მრჩეველი.

ბატონი გურამი დედა-უნივერსიტეტის ემერიტუს პროფესორია, და რექტორად ჩემი არჩევის შემდეგ, ის როგორც რექტორის მრჩეველთა საბჭოს წევრი მეხმარებოდა უნივერსიტეტისთვის სასიკეთო პროფესიული რჩევებით.

პროფესორი გურამ ლორთქიფანიძე ძალიან თბილი, ყურადღებიანი ადამიანია, თუმცა არაერთხელ მქონია შესაძლებლობა ვყოფილიყავი იმის მონაწილე, თუ რამდენად პრინციპულია ის სამეცნიერო ნაშრომების შეფასებისას.

მე ვამაყობ იმით, რომ ვარ ბატონი გურამის უმცროსი მეგობარი და ვუსურვებ მას ხანგრძლივ სიცოცხლეს, შემოქმედებით წარმეტებებს და ყოველივე კარგს მისი ოჯახის და მეგობრების, ივანე ჯავახიშვილის სახელობის თბილისის სახელმწიფო უნივერსიტეტის, საქართველოს მეცნიერებათა ეროვნული აკადემიის, სრულიად საქართველოს საკეთილდღეოდ!

აკადემიკოსი ვლადიმერ (ლადო) პაპავა

ძნელად დასაჯერებელია. იჭვიც გამიელვა: მთვარეს კალენდარით ხომ არ ითვლის წლებს? ის მოკლე წელიწადია და ახალ-ახალი წელი უფრო მალე დგება ხოლმე... მაგრამ ამას მნიშვნელობა არა აქვს. ეს ხო მხოლოდ კალენდარული ოდენობაა და არა სულიერი და მით უმეტეს - არა შემოქმედითი. ბატონ გურამის მეცნიერული მიღწევების შეფასებას სულაც არ ვაპირებ ახლა და აქ. არც კი შემიძლია-ეს ჩემს კომპენტენციას აღემატება და ნაადრევიც არის- დღემდე გაკეთებულს კიდევ ბევრი რამ შეემატება.

ერთი კი ნათელია დღესვე. ქართულ ეროვნულ ინტელექტუალურ მეობას რამდენიმე აღიარებულ სამეცნიერო სკოლა ახასიათებს. და ერთ-ერთი ასეთი სკოლაა ქართული ისტორიოგრაფიული ტრადიცია, რომელიც ბრწყინვალე სახელების



მთელ წყობას ითავსებს...და ნამდვილად დიდი მკვლევარი და დიდი ადამიანი უნდა იყო, რომ ამ წყობაში არ დაიჩრდილო, რომ ღირსეული და კუთვნილი ადგილი დაიკავო. გურამ ლორთქიფანიძეს კი ამ წყობაში დიდი ხანია დამკვიდრებული აქვს თავისი ადგილი. ლორთქიფანიძეებს რომ დაუკვირდები, დარწმუნდები, რომ სამი ისტორიკოსი ერთ ოჯახში სულაც არ არის ქარბი! ეს ხომ თქვენი საზიარო ზემოდა და სამივეს გულწრფელად გილოცავთ.

ეს მოკლე გამოხმაურება რაღაც ლამაზი სიტყვებით მიწოდდა დამემთავრებინა, მაგრამ ამაზე უკეთესად მე როგორღა ვიტყვი:

გულმა მიიღოს გულისა, ხვალემ იზრუნოს ხვალისა,
ღვინომ მიიღოს ღვინისა, წყალმა წაიღოს წყალისა!

აკადემიკოსი კოტე ლერნერი,
ლარა ლერნერი.

2018 წლის 14 სექტემბერს ივანე ჯავახიშვილის სახელობის თბილისის სახელმწიფო უნივერსიტეტის ისრაელის სამეცნიერო ცენტრის ხელმძღვანელს საქართველოს მეცნიერებათა ეროვნული აკადემიის წევრ-კორესპონდენტს ისტორიის მეცნიერებათა დოქტორს, ემერიტუს პროფესორს ბატონ გურამ ლორთქიფანიძეს 80 წელი უსრულდება, ისრაელის საელჩოს თანადგომითა და ბატონი გურამის ინიციატივით 2008 წლიდან ისრაელის სამეცნიერო ცენტრი უნივერსიტეტის ჰუმანიტარულ მეცნიერებათა ფალულტეტის დამოუკიდებელ სამეცნიერო ერთეულს წარმოადგენს, რომლის მიზანია მოახდინოს ებრაული კულტურის, ტრადიციების, ისტორიის, ასევე ქვეყნის ბრწყინვალე ეროვნული მიღწევების მაქსიმალური პროპაგანდა. ამ მიზნით ცენტრი ბატონი გურამ ლორთქიფანიძის ხელმძღვანელობით დღემდე აქტიურად მუშაობს, როგორც სამეცნიერო-კვლევითი მიმართულებით, ასევე საგანმანათლებლო პროექტების სახით. ცენტრის ეგიდით უკვე გამოცა რამდენიმე კრებული, რომელიც, სწორედ ისრაელის სახელმწიფოს კულტურულ ისტორიას მიმოიხილავს.

ბატონი გურამი ყველა თანამშრომლის უსაყვარლესი ადამიანია. მისი პირადი თვისებებიდან განსაკუთრებით ხაზგასასმელია გამორჩეული თბილი და ფაქიზი ურთიერთობა კოლეგებთან და სტუდენტებთან. იგი გახლავთ მეცნიერების ბრწყინვალე ორგანიზატორი, არაჩვეულებრივი პედაგოგი, ქართველი არქეოლოგების შესანიშნავი პლეადის აღმზრდელი, რასაც ნახევარი საუკუნეზე მეტია ემსახურება და მიუხადავად ასაკისა, დღესაც ჩვეული ენერგიითა და წარმატებით აგრელებს სამეცნიერო და პედაგოგიურ მოღვაწეობას. ბატონი გურამი მისაბაძია ახალგაზრდა თაობისათვის.

და ამიტომაც, ისრაელის ცენტრის თანამშრომლები დიდი სიყვარულით და უდიდესი პატივისცემით ვულოცავთ ბატონ გურამს ამ ღირშესანიშნავ თარიღს და ვუსურვებთ დიდხანს სიცოცხლეს, ჯანმთელობას და ნაყოფიერ სამეცნიერო და პედაგოგიურ მოღვაწეობას.

ისრაელის ცენტრის თანამშრომლები:
იაკობ ოფირი, ელენა გაბაშიჩა,
სატიანა ცაცხლკა, მავრა ლომთათიკა.

საქართველოს ებრაელობას ღმერთმა უმრავლეს თქვენნაირი მეგობრები

ავთანდილ ნიკოლეიშვილი — 70



ავთანდილ ნიკოლეიშვილს ქართველ მეცნიერთა და და საზოგადო მოღვაწეთა გაღრმავებული ადგილი უკავია. იგი ქართველ ლიტერატურათმცოდნეთა (მე ვიტყვოდი - ლიტერატურის ისტორიკოსთა და ზოგადად ისტორიკოსთა) მალაღობი რანგის კოპორტის მნიშვნელოვანი წარმომადგენელია. არ მახსოვს ქართულ კულტურულ სფეროში ცოტად თუ ბევრად მნიშვნელოვანი მოვლენა, ავთანდილ ნიკოლეიშვილის აქტიური მონაწილეობის გარეშე. გამჭვირვალე იყო მისი მოღვაწეობა საზოგადოებრივ თუ სახელმწიფოებრივ თანამდებობებზე. მთავარი ერთია - ბატონი ავთანდილი შესანიშნავი ლექტორია და ამ მხრივ სათანადო პატივისცემა და სიყვარულიც აქვს დამსახურებული. არ შემოიქცია გამოკვეთილად არ აღვნიშნო - ნარმატიული იყო აკაკი წერეთლის სახელობის ქუთაისის სახელმწიფო უნივერსიტეტის რექტორად ავთანდილ ნიკოლეიშვილის საქმიანობა. იგი თითქმის ათი წლის მანძილზე საქართველოს უნივერსიტეტების რექტორთა საბჭოს წევრი იყო. ქუთაისის უნივერსიტეტი დღესდღეობით ქვეყნის ერთ-ერთი წამყვანი უმაღლესი სასწავლებელია (გულწრფელად ვამაყობ, რომ გასული საუკუნის 90-იან წლებში ამ უნივერსიტეტის პროფესორი ვიყავი, ლექციებს ვკითხულობდი საქართველოს ისტორიაში) და აქ ბატონი ავთანდილის წვლილი დიდია.

ცალკე და განსაკუთრებულად უნდა აღინიშნოს ბატონი ავთანდილის სამეცნიერო მოღვაწეობა. გამოვარჩევდი მის ორტომეულს, რომელიც ქართველ მწერალთა ეროვნულ-პოლიტიკური მრწამსის გადმოცემას მიეძღვნა. ამ პრობლემების მნიშვნელობაზე საუბარი ზედმეტად მიმაჩნია. ავთანდილ ნიკოლეიშვილმა განსაკუთრებული ყურადღება მიაქცია ჩვენი სამშობლოს - საქართველოს წინაშე მძიმე სიმწვავით მდგარი ეროვნულ-სახელმწიფოებრივი ორიენტაციის პრობლემებისადმი ქართველ მწერალთა დამოკიდებულებებს. ორტომეულში მოცემული გამოკვლევითი მასალა, შეიძლება ითქვას, მთელი ქართული მწერლობის შესახებ; დანყებული იაკობ ცურტაველის „შუშანიკის წამებიდან“ და დამთავრებული გალაქტიონ ტაბიძისა და კონსტანტინე გამსახურდიას შემოქმედებით. მთელი ეს შრომა ზოგადად ფასეულია იმიტომ, რომ დასმულია საკითხი საქართველოს მომავლისა - როგორ უნდა გააგრძელოს თავისი გზა ქართველმა ერმა, საით უნდა წავიდეს, ვისთან ერთად უნდა იყოს? ორტომეულში არის სერიოზული მცდელობა პასუხი გასცეს ამ, ერთი შეხედვით, რიტორიკულ კითხვებს, ყველა ეპოქისთვის დიდ პრობლემას. მრავალმხრივია ავთანდილ ნიკოლეიშვილის შემოქმედებითი პრობლემატიკა. გარდა ზემოდასახელებულ „ორტომეულში“ შესული მასალისა, ბატონ ავთანდილს მონოგრაფიულად გამოკვლეული აქვს გაბრიელ ეპისკოპოსის, ნიკო ლორთქიფანიძის, გიორგი ლეონიძის, დავით და გერცელ ბააზოვების და სხვა ლირსეულ პიროვნებათა მოღვაწეობა.

ავთანდილ ნიკოლეიშვილი დღესაც დიდ და კეთილ საქმეებს აკეთებს. ვფიქრობ, ასე იქნება მომავალშიც. ამჯერად იგი იუბილარია - 70 წლისა შესრულდა.

ბატონო ავთანდილ, წარმატებები იყოს თქვენს ცხოვრებისა და შემოქმედების მარადიული თანამგზავრი.

როინ მატრაქელი

აკადემიკოსი

ღრმად პატივცემული ბატონო ავთანდილ, სულითა და გულით გილოცავთ თქვენ, ქართული ლიტერატურის უსაჩინოეს მკვლევარს, სტუდენტთა უსაყვარლეს ლექტორს, საქართველოში უმაღლესი განათლების ერთ-ერთ დიდად დამაშვრად ორგანიზატორს, ქუთაისის აკაკი წერეთლის სახელობის სახელმწიფო უნივერსიტეტის ენისა და ლიტერატურის დეპარტამენტის უზადო ხელმძღვანელს, მწერალს, პუბლიცისტს, სხვადასხვა ჟურნალის რედაქტორს, ქართულ-ებრაულ ურთიერთობათა ჭეშმარიტ ამაგდარს დაბადებიდან 70 წლის ღირსეულ იუბილეს და გისურვებთ კიდევ დიდხანს გემოვნათ ესოდენ ხეავრეულად სრულიად საქართველოსა და ქუთაისის სადიდებლად და საკეთილდღეოდ.

წინა ჩამოთვლის ბოლო პუნქტიდან დავიწყებ და ბარემ ამ ოფიციალური ტონიდან იმ მეგობრულ კილოზე გადავალ, რომელიც უფრო შეეფერება ჩვენს რამდენიმე ათეული წლის ისტორიის მქონე ურთიერთობას. სწორედ ამიტომ გავკადნიერდი და ჩემს სიყვარულით შედგენილ ბარათს ქუთაისის ქართველ ებრაელთა ინტონაციით გამართული ქვესათაური დავურთე. დიახ, შენ მართლაც ქართველთა და ებრაელთა ნამდვილი მეგობრობის მებარიანტრე და საყვარი ხარ (და არა რალაც საეჭვო და თითქმის გამოწვევი ფაქტებზე დაყრდნობილი ურთიერთობისა, როგორც უკანასკნელ ხანს მოგვიმრავლდა)

ყოველგვარი კონიუნქტურისგან დამოუკიდებლად. შენი მრავალზე მრავალი საქმიანობის შესახებ სხვებიც იტყვიან, მე კი ამ სფეროზე შევჩერდები და რამდენიმე ფაქტს გამოვყოფ.

უპირველეს ყოვლისა, სიტყვა „ჩვენებურის“ სათაურში გამოჩენას ავხსნი: ამ სიტყვის მნიშვნელობა, როგორც ახლობლობის აღმნიშვნელი ლექსიკური ერთეულისა, ყველა ქართველს კარგად მოეხსენება, მაგრამ ქართველ ებრაელთა მეტყველებაში მას კიდევ უფრო მეტი, განსაკუთრებული დატვირთვა აქვს - სიახლოვის უფრო მალაღობი გამოხატავს - ქართველი ებრაელები თავიანთი მეტყველებასაც კი „ჩვენებურულს“ უწოდებენ. აი, ასეთი გაგებით შემოიძლია გინოდო ჩვენებური.

მარტო იმ დიდი რუდუნებით დაგროვილი მასალის გამოშვებულება და ანალიზი რად ღირს, რაც შენ დავით და ჰერცელ ბააზოვებს მიუძღვენი. შენ არსებითად შემოუბრუნე ადრე წასული (დასჯილი) ჰერცელ ბააზოვი ქართულ მწერლობას და გზად, თუ შეიძლება ასე ითქვას, ქართველ ებრაელთა პრესის სათავეებიც გაათავისებინე თანამედროვე მკითხველს.

ერთ, იქნებ, საჩოთრო თემასაც მინდა შევეხო: შენ ქართული ემიგრანტული ლიტერატურის კვლევის პიონერი ხარ, რიგი ფაქტიურად უცნობი ქართველი შემოქმედი გამოიყვანე ქართულ სამზოვზე. არანაკლები ღვაწლი მიგიძღვის ისრაელში მოღვაწე ქართულენოვან მწერალთა წარმოჩენაშიც. საჩოთრო-მეთქი იმიტომ ვთქვი, რომ ვერამც და ვერამც ვერ დავეთანხმებო, რომ ისრაელში მცხოვრებ ქართველ ებრაელებს და მათ შორის მწერლებსაც ემიგრანტები ვუწოდოთ - ისინი თავიანთი სამშობლოში ცხოვრობენ, მაგრამ, მეორე მხრივ, ნათელია, რომ მათი ნაწარმოებები ქართულ ენაზე, არა იმ ქვეყნის ენაზე იქმნება და მათს ანალიზს შენნაირი კაცის ხელი და თვალი სჭირდება, რათა ღირსეული მიუზღოს, ჭეშმარიტ მწერალს ეს სახელი უნდოს, შემთხვევით მიტმანისოს კი მოიარებით მაინც მიუჩინოს ადგილი. სმამალა მინდა ვთქვა, რომ ამას შენთვის ესოდენ დამახასიათებელი ტაქტიკა და იმავდროულად ლიტერატურის კრიტიკოსისათვის მიუცლებელი სამართლიანობის დაცვით აკეთებ.

მე მგონი, გამიგრძელდა სიტყვა და შეგანყინე თავი, თორემ მე შენი დიდკაცობისა და მაღალნიჭიერების შექება არასოდეს მომწყინდება. ამიტომ დაგემშვიდობები შენთვის კარგად ცნობილი ებრაული დალოცვით: ად მეა ვეცხრამ - ას ოც წლამდე, ჩემო ძვირფასო მეგობარო, მრავალჟამიერ!

რაუშვან ენოსი,

არიელის (ისრაელი) უნივერსიტეტის ებრაული მემკვიდრეობის განყოფილების სრული პროფესორი, კავკასიისა და ცენტრალური აზიის ებრაული თემების საკვლევო ინსტიტუტის დირექტორი.

ბატონო ავთანდილ, შოთა რუსთაველის სახელობის სტამბოლის კულტურის ცენტრი დიდი სიყვარულით, პატივისცემითა და კეთილი სურვილებით გილოცავთ დაბადების დღეს. გვინდა კიდევ ერთხელ გითხრათ მადლობა იმისათვის,

რომ ამ ცენტრის დაფუძნების დღეს თქვენ სპეციალურად ჩამობრძანდით სტამბოლში, ჩვენს გვერდით იმყოფებოდით და გაიზიარეთ ჩვენებურების სიხარული ამ დიდი მოვლენის გამო.

ძალიან მნიშვნელოვანია თქვენი ღვაწლი თურქეთელი ქართველების მიერ ისტორიული სამშობლოს უკეთ გაცნობის დიდ საქმეში, რისთვისაც აქაურ ქართველებს ძალიან უყვარხართ.

გვახსოვს თურქეთში თქვენი ხელმძღვანელობით ჩატარებული სამეცნიერო ექსპედიციები, რომელიც ჩვენებურების უკეთ გაცნობას და ჩვენი ცხოვრების უკეთ შესწავლას ეძღვნებოდა. ჩვენთვის უძვირფასესია თქვენი ის ნიგნები, რომლებიც ამ საკითხებს მიუძღვენით.

გასული წლის მაისში ჩვენ დიდი სიამოვნებით გიმასპინძლეთ სტამბოლში და ქართული კულტურის ცენტრში მოვანყვეთ ამ ნიგნების პრეზენტაცია. არ შეგვიძლია არ აღვნიშნოთ, თუ რამდენი შრომა და სიყვარული ჩადეთ თქვენ ამ ნიგნებში. აქაურ ქართველობას დიდ დახმარებასა და თანადგომას უწევთ მათთან აქტიური-ურთიერთობებით. თქვენი ნიგნებით აშუქებთ ჩვენი წინაპრების ისტორიას, საქართველოსაცნობითურქეთში-მოღვაწეამოჩენილქართველებს.ჩვენ ბევრი ახალი რამ გავიგეთ და ვისწავლეთ თქვენი ნიგნებიდან.

ჩვენ ძმები ვართ და ძალიან დიდ პატივს გცემთ. თქვენ ჩვენი უდალათო მეგობარი ხართ, რისთვისაც ძალიან გვიყვარხართ. გვიხარია, რომ თქვენ სტამბოლის

ხშირი სტუმარი ხართ და აქ მცხოვრებ ქართველებთან შეხვედრებს მართავთ ხან ქართული კულტურის ცენტრში და ხან შოთა რუსთაველის სახელობის კულტურის ცენტრში.

გისურვებთ ჯანმრთელობას, ბედნიერებასადაწარმატებებს.

ღმერთი იყოს თქვენი მფარველი ყველა კეთილ საქმეში!

შოთა რუსთაველის სახელობის კულტურის ცენტრის სახელით

სალმე ბარამიძე (სეზენ გონენჩ-ოზქანი) -სტამბოლის შოთა რუსთაველის სახელობის კულტურის ცენტრის დამფუძნებელი და თავმჯდომარე;

ორპან ბირიძე სტამბოლის შოთა რუსთაველის სახელობის კულტურის ცენტრის დამფუძნებელი და თანათავმჯდომარე.

ჩემი აზრით, ადამიანის სასიცოცხლო დრო იმდენია, რამდენსაც უთმობს სასიკეთო საქმეებს.

ლოცვა და პოზიტიური მეცნიერება სიკეთის უმაღლესი გამოვლინებებია, უანგარო საეკლესიო თუ საერო მოძღვრობა კი - სიკეთის ქმნის პროცესია.

პროფესორ ავთანდილ ნიკოლეიშვილს 1993 წლიდან ვიცნობ; ბევრ სხვა პროფესორსა თუ მოღვაწესაც ვიცნობ, მაგრამ არ მეგულება ადამიანი, ვინც ამდენ დროს უთმობდეს პედაგოგობასა და მეცნიერებას; შემოიძლია ვქვა, რომ სადღესასწაულო თუ სარიტუალო სუფრასთან მყოფიც კი მხოლოდ სახითაა მოტრიალებული ჩვენსკენ: რეალურად ისევ ახალ მონოგრაფიასა თუ ექსპედიციაზე ფიქრობს.

ფსიქოლოგები სამი სახის ადამიანს განასხვავებენ და ამბობენ:

ზოგი ადამიანი მხოლოდ არსებაა (ინდივიდი), ზოგი სუბიექტია, ზოგი კი - პიროვნება!

ჩემი უფრო ინტერპრეტაციით, არსება მხოლოდ თავის თავს ირჩენს, სუბიექტი ქონებას აგროვებს, პიროვნება კი თავის სასიცოცხლო ენერჯიას სხვებს ახმარს; სხვებისათვის დროის დახარჯვაა მეცნიერებისა თუ უანგარო პედაგოგობისათვის დახარჯული სასიცოცხლო დროა; ბატონი ავთანდილი გამორჩეული პიროვნებაა!

რექტორი როცა გახდა, ბატონი მაგალი თოდუას მიერ დანყებული სასიკეთო საქმეები განავითარა; ახალიც დაიწყო. განსაკუთრებით დიდ ყურადღებას აქცევდა ქართველოლოგიურ დარგებს, რომელთა განვითარება სასიცოცხლო მნიშვნელობისაა ქართველი ერისათვის.

ვითომრევოლუციურ ტალღაზე მოსულთ ასპარეზს როცა უთმობდა, მე არ ვეთანხმებოდი, მაგრამ სიმშვიდით ცნობილ აკაკიწერეთლის სახელობის სახელმწიფო უნივერსიტეტშიც დაძაბულობის კერის შექმნას გადადგომა არჩია „კავკასიის ცარცის წრის“ კეთილშობილი გმირივით; ერთი მხრივ, მართალიც იყო: რექტორობა ბევრ დროს ართმევდა მის მეცნიერებას.

ბოლო პერიოდში საქართველოს ამჟამინდელ საზღვრებს მიღმა მყოფ ქართველების ბედითა და მათი კულტურის გადარჩენითაა დაინტერესებული; ესეც ლოცვასავით საქმეა და მიხარია, რომ ამ მიმართულებითაც ერთად ვართ.

წერილის დასაწყისში ადამიანის სასიცოცხლო დრო სიკეთით ქმნის დროით შემოვფარგლე. ბიოლოგიურ ასაკს კი ასე განვსაზღვრავ:

ბატონი ავთანდილი დაბადებიდან 70 კალენდარული წლის შემდეგ ისეთი ენერჯით ცხოვრობს და საქმიანობს, 100 წელსაც სიკეთის მკეთებელ მოღვაწედ შეხვდება!

ტარიელ ფუტყარაძე საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტის ქართველოლოგიის ცენტრის ხელმძღვანელი.

ამერ-იმერის ებრაელობა

ვენის ებრაელთა ყოფა

პარასკევობით, სანამ ცაზე სამი ვარსკვლავი გამოჩნდება, ვენის ძველი ქალაქის ერთ-ერთ პატარა ქუჩაზე (saitenStetengasse) ჩქარი ნაბიჯებით აღმართისკენ მიმავალ მამაკაცებს შენიშნავს დაკვირვებული თვალი; მეზობელი ორსართულიანი შენობებისგან გარეგნულად არაფრით გამორჩეულ შენობაში საკონტროლო კარების და პირადობის დამადასტურებელი მონუმობის მოთხოვნა თუ დააეჭვებს ადამიანს...

მეცხრამეტე საუკუნის ოციანი წლების კანონების თანახმად კათოლიკურ ავსტრიაში არაკათოლიკური სამლოცველო სახლების საამქაროდ აგება აკრძალული იყო, სწორედ ამის გამო 1825-26 წლებში ცნობილი ავსტრიელი არქიტექტორის იოჰან გეორგ კორნჰოიზელის მიერ აგებული, დღესდღეობით ვენის მთავარი სინაგოგა მოკრძალებულად დგას ქალაქის ერთ-ერთი უძველესი წმ. რუპრეხტის ეკლესიის მოპირდაპირედ, სწორედ ამ ეკლესიას გადაურჩენია სინაგოგა პოგრომის დამეს — 23 სინაგოგიდან ეს პანანინა სინაგოგა გადაურჩა ნაცისტურ რეჟიმს — იმ საშიშროების გამო, რომ ვინრო ქუჩაზე მდებარე ეკლესიასაც მოედებოდა ცეცხლი-ამას სინაგოგის ტურისტული ჯგუფების ხელმძღვანელი, ისრაელელი ქალბატონი მალი შაკედი უყვება დამთვალეიერებლებს დღეში ორჯერ; სწორედ მისგან ვიგებთ, რომ აქ ადრე თორის 20 გრაგნილი ინახებოდა, დღესდღეობით კი მხოლოდ 11; ერთ-ერთი დამთვალეიერებელი დანარჩენი 9 გრაგნილის ბედი ინტერესდება; ისინი ქალაქის ცენტრალური სასაფლაოს ებრაულ ნაწილში, სპეციალურად მათთვის განკუთვნილ ადგილზე ყოფილან დაკრძალული- მოგვითხრობს გივერეთ მალი.

დღესდღეობით ქალაქის სამლოცველოში (stadttempel გერმანულად) კაბალათ-შაბათს 100-120 კაცი ესწრება, ადგილი კი 700 კაცისთვისაა, ქალთა განყოფილება მეორე სართულზეა; აარონ შაკოდემის კარები სუფთა ოქროთია მოჩუქურთმებული, მის პირდაპირ ბიდერმაიერის სტილის ორი ოქროს სასანთლეა; ავსტრიის მთავარი რაბინისარიე ფოლგერის მისამართიც იგივეა-საიტენშტეტენგასსე 4.

ვენაში ებრაული თემის მრავალწლიან არსებობაზე ტროტუარებზე ამოტვიფრული ოქროსფერი აბრებიც მიუთითებს-ზედ ანერია სახელი, გვარი, დაბადების და გარდაცვალების წლები; ჩემს ქუჩაზეც არის ორი:

" 1914 წლიდან აქ მთავარი რაბინის ისრაელ ფრიდმანის სამლოცველო სახლი მდებარობდა, რომელიც ნაცისტებმა 9.11.1938 დაარბიეს, სამლოცველოს წევრების ნაწილი განდევნეს, ნაწილი დახოცეს "


" იმ 53 ებრაელის მოსახენიებლად, რომლებიც ამ სახლში, სივინროვე-ში ცხოვრობდნენ, სანამ ნაცისტების მიერ დეპორტირებული და მოკლული იქნენ:

ლეოპოლდინე და მარი ფიშერი 19.2.1941 კილცეში დეპორტირებულნი;

ფრიდრიხ და რეჯინა გეჰორზამ, 12.03.1941 ლაგოვ-ოპატოვში დეპორტირებული;

ტროტარში ამოტვიფრული ოქროსფერი აბრების რიცხვი ვენაში თითქმის 200 მდებარე...

თიკო თაჰვაქა, ვენა



ისრაელში საქართველოდან ეტლით ჩასულმა მამაკაცმა, აეროპორტში დაკავების შემდეგ „ფიშვი ბაიარა“

ისრაელის მედია საშუალებები თელ-ავივში, ბენ გურიონის აეროპორტში მომხდარი „სასწაულის“ შესახებ წერენ. საქმე ეხება ინციდენტს, რომლის დროსაც აეროპორტის თანამშრომლებმა საეჭვო პირები დააკავეს - ისინი ისრაელში არალეგალურად შესვლას ცდილობდნენ. როგორც timesofisrael.com წერს, დაკავებულები არიან „დეიდა“ და „დისშვილი“, რომლებიც ქვეყანაში თითქოსდა გადაუდებელი სამედიცინო მკურნალობისთვის ჩავიდნენ.

38 წლის მამაკაცი ისრაელში საქართველოდან ჩაფრინდა 40 წლის ქალთან ერთად, ეს უკანასკნელი კი ირწმუნებოდა, რომ მისი დეიდა იყო. ახალგაზრდა კაცი ეტლში იჯდა და აეროპორტის უსაფრთხოების თანამშრომლებს უთხრა, რომ ისრაელში სასწრაფო ოპერაციისთვის ჩავიდა, რადგან შემთხვევის შედეგად პარალიზებული იყო. აეროპორტის თანამშრომლებმა ეჭვი შეიტანეს საქართველოდან ჩასულ მგზავრებში, რადგან მათ არ ჰქონდათ სასტუმროს ჯავშანი, თუმცა, დიდი ოდენობით თანხა ჰქონდათ თან.

გამოკითხვის დროს აღმოჩნდა, რომ ამ ორმა პირმა ერთმანეთის შესახებ არაფერი იცოდა. „დეიდა“, რომლის ქმარიც ისრაელში სამუშაოდმყოფი აღმოჩნდა, არანაირ ინფორმაციას არ ფლობდა „დისშვილის“ ჯანმრთელობის მდგომარეობის შესახებ. ახალგაზრდა მამაკაცის მობილური ტელეფონის დათვალეიერების შემდეგ კი, მესაზღვრეებმა აღმოაჩინეს, რომ მას ყველაფერი ნაშლილი ჰქონდა - ფოტოებიც და კონტაქტებიც.

როგორც timesofisrael.com იუწყება, საიმეგრაციო სამსახურში ეჭვობენ, რომ ქალი და მამაკაცი საქართველოში დაუკავშირდნენ ერთმანეთს იმ მიზნით, რომ ისრაელში არალეგალურად შესულიყვნენ.

ამბის კულმინაცია კიდევ უფრო საინტერესოა - როცა ქალის და მამაკაცის სიცრუე გამოაშკარავდა და აეროპორტის უსაფრთხოების თანამშრომლებს ისინი აეროპორტის საკანში გადაჰყავდათ, ეტლში მჯდარი მამაკაცი წამოდგა და თავისი ფეხით გააგრძელა გზა კიბეებზე. timesofisrael.com ამის ამსახველ ფოტოსაც ავრცელებს.

გამოცემის ინფორმაციით, ინციდენტის შემდეგ, არალეგალურად საზღვრის კვეთის მსურველებს, ისრაელიდან საქართველოში დეპორტაცია ელით.

რას კპიტის ულობით ამ კპირაში? რაბინის კუთხე



შიმონ ნიშვაშვილი

რ
ა
ბ
ი
ნ
ის
კ
უ
თ
ხ
ე

რომ ჰაშანა - სასამართლოს დღე

ხალხი რომ ჰაშანას ეძახის ახალ წელს, იკრიბებიან, ქეიფობენ, მხიარულობენ და დროს ატარებენ, როგორც ჩვეულებრივ ახალ წელს, მაგრამ თორაში რომ ჰაშანის დღეს არ ეწოდება ახალ წელი არამედ ეწოდება „გახსენების დღე“ „იომ ჰაზ-იქარონ“ გაიხსენო თუ ვინ მართავს ამ სამყაროს ვინ არის ყოვლისშემძლე მეფე და მოსამართლე ამ დედამიწაზე, ადამიანს ყოველთვის უნდა ახსოვდეს ეს და რომ ჰაშანაში განსაკუთრებით, ამიტომაც ძირითადი მიცვა რომ ჰაშანის არის შოფარის დაკვრა რათა შოფარის ხმით ჰაშემმა გაიხსენოს თავისი მონყალების და შებრალების თვისება ისე, როგორც გაიხსენა ნოახის დროს,

როდესაც ნოახი ოჯახთან და ცხოველებთან ერთად კიდობანში იყო, ნოახის თაობაში ჰაშემმა გამოავლინა თავისი სამართალის თვისება და მოავლინა ნარღვნა ხალხის ცოდვების გამო, მაგრამ ნოახმა მოახერხა თავისი ლოცვებით გამოველინებინა და გაეხსენებინა ჰაშემს მონყალების თვისება და აღარ მოევიდნა ნარღვნა არასოდეს ადამიანის ცოდვების გამო. აქედან თორა გვასწავლის თუ რატომ ეწოდება რომ ჰაშანას გახსენების დღე ჩვენი ლოცვებით ვედრებით და შოფარის ხმით გაეხსენოთ ჰაშემს მონყალების თვისება და შეიწყალოს თითოეული ადამიანი, ამიტომაც არის ლოცვებში ყველაზე მეტად მოხსენებული რომ ჰაშემმა გაიხსენოს შეწყალების და შებრალების თვისება და დაგვეწეროს სიცოცხლეზე.

თუ ადამიანი დაუკვირდება იმას თუ რას აძლევს მას ჰაშემი მთელი წლის მანძილზე, მიხვდება რომ რა თქმა უნდა ამ ყველაფერს არ იმსახურებს, რადგან მის ნამოქმედარს არ შეესაბამება, ის გაცილებით ნაკლებს იმსახურებს, მაგრამ ჰაშემი მონყალებით მას კარგ ბედნიერ და ტკბილ წელიწადზე ბეჭდავს. რატომ? იმიტომ რომ ჰაშემი ელოდება, თუ როდის მიხვდება ადამიანი რომ სიცოცხლე და ყველაფერი რაც მას გააჩნია, ჰაშემისგან არის--წერს ხათამ სოფერი რომ ჰაშანაში ყოველ ყამიდის ლოცვაში ჩვენ ვთხოვთ ჰაშემს ოთხჯერ რომ სიცოცხლის წელიწადზე დაგვბეჭდოს, რატომ ოთხჯერ? იმიტომ რომ მაღლა ოთხი ანგელოზია, რომლებიც ცდილობენ ხალხზე ცუდი თქვან იმისათვის რომ სხვადასხვანაირად დაისაჯონ ჰაშემისგან, ერთი ცდილობს ხალხს დღეები შეუმცირდეს, მეორე: რომ ხალხი გარდაიცვალოს ნადრევად და მძიმე სიკვდილით ავარიში და ა.შ. მესამე ცდილობს რომ გაჭირვება გამოუგზავნოს ჰაშემმა --სიღარიბე იმდენად რომ ლუკმა პურის ფულიც არ ქონდეს და როგორც წერს გემარ აასეთი ადამიანი არის შედარებითი გარდაცვლილ ადამიანს, რადგან მას სიცოცხლე არაფრად არ უღირს და მეოთხე ანგელოზი ცდილობს რომ ხალხი იტანჯებოდეს მძიმე დაავადებებით სიცოცხლე რომ ტანჯვაში გაატარონ, აქედან თორა გვასწავლის

ადამიანმა რომ იცხოვროს თუ რამდენი ლოცვაა ამისათვის საჭირო, რომ კარგი ჯანმრთელი და ბედნიერი წარმატებული შეიღებოთ გაეზარდოს და ზუსტად ამაზე ვლოცულობთ რომ ჰაშანაში რომ ჰაშემის გზაზე დავბრუნდეთ--ჰაშემის სამსახურში ვიყოთ-- ჰაშემის მიცვებს ვასრულებდეთ და ის გავხადოთ ჩვენზე მეფეთ. მაგის მიზეზია ის რომ 40 დღე მოგვცა ჰაშემმა ელულის თვიდან იომ ქიფურამდე რათა ადამიანმა შეძლოს ჰაშემს დაუახლოვდეს თავისი საქციელის გამოსწორებით და თვითონ თავისივე თავის შეცვლით თეშუბაზე დაბრუნებით რომ ჰაშემთან ახლოს იყოს და ჰაშემ-მაც მიიღოს მისი ლოცვები,რადგან რომ ჰაშანაში აქვს ყველა სულიერს და ყველაფერს სასამართლო რაზეც დავინერებით ისეთი წელი იქნება მაგ ადამიანისთვის და ვერავინ ვეღარ შეცვლის მერე ვერაფერს --რაც დაინერება განაჩენი და დაიბეჭდება იომ ქიფურში, რომ ჰაშანამდე ძალიან ცოტა დროა ყოველთვის იმისათვის რომ ადამიანმა რამე შეცვალოს მაგრამ ჰაშემი ყველას ეხმარება, ვისაც აქვს ყველა იყოს უკეთესი, ვისაც უნდა რომ ჰაშემთან და მის თორასთან ახლოს იყოს, ელულის თვიდან იომ ქიფურამდე ის დროა, როდესაც ჰაშემს ვთხოვთ ყველა ჩვენ თხოვნებს რომ ყველას რეფუა შელემა მისცეს, ვინც დასაოჯახებელია რომ დაოჯახდეს, ვისაც შვილი არ ყავს რომ გამოუგზავნოს ბედნიერი და ჯანმრთელი შვილები.

ამ ყველაფერთან ერთად ჩვენ გვაქვს მიცვები რომელიც სიამოვნებას ეხება როგორცაა სეყუდის მირთმევა და ა.შ. და ჩვენ ვლნიშნავთ სასამართლოს დღეს როგორც კარგ დღეს, წესით ადამიანი უნდა ტიროდეს, რადგან არავინ არ იცის ვის რა განაჩენი გამოუტანეს --ვინ სიცოცხლეზე დაიბეჭდა და ვინ --სიკვდილზე, მაშინ რა ამხიარულებს ადამიანს ამ დღეს? ეს სიმხიარული იმას მიანიშნებს რომ როდესაც ადამიანმა მაქსიმალურად შეეცადა დაახლოვებულიყო ჰაშემს და მოინანია ცოდვები მთელი ელულის თვის განმავლობაში ჩვენ მივენდობით ჰაშემს რომ კარგ ბედნიერ ტკბილ და სიცოცხლის წელზე დაგვბეჭდავს ჰაშემი და სეყუდაზეც მოვამალეობთ მის სახელს.


**ჰაშემმა მრავალ წელს დაგვასწროთ ჯანმრთელობით, ბედნიერებით სიკეთით და რაც მთავარია, სიცოცხლეზე დაგვეწეროს და დაგვბეჭდოს!
ჰაშემმა დაგვიჩქაროს და მოგვიბრძანოს მაშიახი და გვეზეიმოს იერუშალაიმში!
ამენ ვეამენ!**

დიდი შრომა

გამოვიდა მრავალწლიანი შრომის ნაყოფი კრებული — „ქართველი ებრაელები საქართველოს საარქივო დოკუმენტებში“, რომელიც ეძღვნება საქართველოს პირველი დემოკრატიული რესპუბლიკის, ივანე ჯავახიშვილის სახელმწიფო უნივერსიტეტის 100 და ისრაელის სახელმწიფოს დაარსების 70 წლის იუბილეს. წიგნი გამოიცა შოთა რუსთაველის ეროვნული სამეცნიერო ფონდის და თბილისის ივანე ჯავახიშვილის სახ.სახელმწიფო უნივერსიტეტის მიერ.

როგორც წინასიტყვაობაშივეა აღნიშნული, ნაშრომი მიზნად ისახავს ქართველ ებრაელთა ისტორიული ყოფის წარმოჩენას საქართველოს სხვადასხვა არქივსა და ხელნაწერთა ეროვნულ ცენტრში დაცული დოკუმენტური მასალის მიხედვით. წიგნი იყოფა ოთხ ნაწილად:

1. რელიგიური შინაარსის დოკუმენტები,
 2. კულტურულ-საგანმანათლებლო შინაარსის დოკუმენტები,
 3. სამართლებრივ-ეკონომიკური შინაარსის დოკუმენტები,
 4. პოლიტიკური შინაარსის დოკუმენტები
- წიგნის ავტორ-შემდგენლები ვახლავან: ნატო ახალაია, ინგა ზამბახიძე, გურამ ლორთქიფანიძე, ქეთევან ლორთქიფანიძე, ზენკა ქავთარაძე, ეკა ხატიასვილი.
- რედაქტორია ფილოლოგიის მეცნიერებათა დოქტორი, პროფესორი, საქართველოს მეცნიერებათა აკადემიის უცხოელი წევრი კონსტანტინე ლერნერი.




ნოდარ დუმბაძის 90 წლის იუბილეს ისრაელში ზეიმობენ

14 ივლისს, ისრაელის სახელმწიფოში, საქართველოს საელჩოს, დიასპორული ორგანიზაციის „მამული“, „ისრაელში ქართული ხელოვნების ცენტრის“, საქართველოს საპატრიარქოს თანადგომით და ქ. ლოდში მოქმედ „ქართულ სახლში“ ახლად დაბუდეებული ქართული საკვირაო სკოლის მონაწილეობით, გამორჩენილი ქართველი მწერლისა და საზოგადო მოღვაწის, ნოდარ დუმბაძის 90 წლის იუბილე აღინიშნა. საღამოს, რომელიც „ქართული სახლის“ ლამაზ კარმიდამოში გაიმართა, გათვალისწინებულზე ბევრად მეტი სტუმარი ეწვია. ქართული დიასპორის გარდა, ბატონი ნოდარის სსოვნის პატივსაცემად, იუბილეზე მობრძანდნენ ქართველებრელთა თემის თვალსაჩინო წარმომადგენლებიც, რომლებსაც თავიანთი მნიშვნელოვანი სიტყვა ჰქონდათ სათქმელი ნოდარ დუმბაძის ცხოვრებასა და შემოქმედებაზე.

საიუბილეო საღამოს უძღვებოდა მწერლის ქალიშვილი, საქართველოს საელჩოს მრჩეველი, ქალბატონი მანანა დუმბაძე. დამსწრე საზოგადოება ვიდეო-ჩართვის საშუალებით დალოცა არქიმანდრიტმა, მამა ადამ ახალაძემ, მისასალმებელი სიტყვით კი აუდიტორიას საქართველოს ელჩმა, პაატა კალანდაძემ მიმართა. ბატონმა ელჩმა ნოდარ დუმბაძის ოჯახს და მთელ ქართველ ხალხს სასიქადულო მწერლის 90 წლის იუბილე მიულოცა და განსაკუთრებული აქცენტი ქვეყნებს შორის ურთიერთობების გაღვივება-განვითარებაში დიდი ქართული მწერლობის მრავალსაუკუნოვან როლზე გააკეთა. მან ასევე ისაუბრა საქართველოს საელჩოს აქტიურ ჩართულობაზე იმ კონკრეტულ პროექტებში, რომლებიც ისრაელში ქართულ-ებრაული ლიტერატურული ურთიერთობების განვითარებას, ქართული და ებრაული თანამედროვე ლიტერატურის თარგმანსა და გამოცემას ემსახურება.

ისრაელში ახლადდარსებული დიასპორული ორგანიზაციის „მამული“ და საკვირაო სკოლის მოღვაწეობაზე დამსწრეთ „მამულის“ ხელმძღვანელი, ბატონი ირაკლი კილაძე ესაუბრა. საკვირაო სკოლის მოსწავლეებმა კი სტუმრებს ნოდარ დუმბაძის საბავშვო ლექსები წაუკითხეს. ისრაელში ქართული ხელოვნების ცენტრის ხელმძღვანელმა, ქალბატონმა მარინა გელაშვილმა, თავის მრავალსომცველ, მსმენელის მართლაც რომ მომნუსხველ სიტყვაში, სათანადო პატივით ქართული მწერლობის ბუმბერაზის, ვაჟა ფშაველასა და საქართველოს ეროვნული გმირის, ქაქუცა ჩოლოყაშვილის დაბადების დღეც - 14 ივლისი მოიხსენია. საღამოს გვირგვინი კი გახლდათ, ნოდარ დუმბაძის ცხოვრების ცოცხალი მოწმის, ისრაელში აფხაზეთიდან 25 წლის წინ ამოსული, მისი ერთ-ერთი სოხუმელი მეგობრის, ბატონი ბადრი კილაძის სევდანარევი, თან მხიარული მოგონებები ნოდარ დუმბაძის ცხოვრების აფხაზური პერიოდიდან.

საღამო გაჯერებული იყო ვიდეო-მასალით ნოდარ დუმბაძის ბიოგრაფიული ფილმებიდან და სპექტაკლებიდან, ასევე, საალბომო ფოტოებით და მსოფლიოს თითქმის ყველა კუთხეში გაფანტული ქართველი ემიგრანტების მიერ გამოგზავნილი ვიდეო-მილოცვებით. იუბილეს წამყვანმა დამსწრეთ კიდეც ერთი სიურპრიზი მოუწყო: დარბაზში, თბილისიდან, სპეციალურად ამ დღისთვის გამოცემული, ნოდარ დუმბაძის „ყველა მოთხრობის“ ოთხი სასიგნალო ეგზემპლარი ლატარით გაათამაშა. საღამოს ორგანიზატორთა გასახარად, წიგნმა გზა ჭეშმარიტი ადრესატისკენ თავად გაიკვლია - იმ ოთხი ეგზემპლარიდან ერთი, „მამულის“ საკვირაო სკოლის მოწაფე გოგონას ერგო.





**დაბადების დღეს
გილოცავთ!
იომ თლედეთ სამეანს!
ისრაელსა, თუ
საქართველოში მცხოვრები
ნათესავები, ახლობლები
პატარა
ნიკოლი
მირილაშვილს
ფულოცავთ ბათ
მიცვის ასაკს, ვისურვებთ
იცხოვროს წარმატებულად,
ბედნიერად, თავისი
ცხოვრების წესით
ყოფილიყოს ღირსეული
შვილი, შვილისშვილი,
სახელოვან წინაპართა
ღირსების წარმომჩენი და
თავადაც სახელოვანი!**